



Ազդարարութեան

Trumpet's Sound կոն

51-րդ ՏԱՐԻ, ԱԼԵՏՐԱԼԻՍ
ՅՈՒՆԻԱՐ - ՓԵՏԾՈՒԱՐ 2020

«ԱԶԳԱՐԱՐՈՒԹԵԱՄ ՓՈՂ»
երկամսյա հոգեւոր քերք

Պատասխանատու խմբագիր՝
հովի Հրաշ Գույուճեան

ACM AUSTRALIA
PO BOX 1593,
CHATSWOOD NSW 2057
EMAIL: hkiujian@acmaust.org
URL: www.acmaust.org



Բովանդակութիւն

Տերը Մինչեւ այս տեղ մեզի օգնեց	3
Հովի Հրաշ Գույուճեան	
Խսհակի գոհաբերութեան	5
Տռն Սրումբը	
«Այս մարդը դուն ես»	9
Քաղուած	
Ոսկէ կանոն	11
Ռաֆֆի Չափարեան	
Յիսուսը կը բժշկէ հիւանդնուն	14
Հովի Հրաշ Գույուճեան	

ԱՍՍ-ի աղօթքի Նիւթեր

- Աղօթք Սեւահողերի, Երեւանի, Կիւմրիի եւ Վանաձորի Աստուածաշնչեան սերտողութեան խմբակներու համար:
- Աղօթք հիւանդներու անհրաժեշտ բժշկական օգնութեան համար:
- Աղօթք աջակցութեան կարիք ունեցող շատ աղքատ ընտանիքներու համար:
- Աղօթք մեր յաջորդ բեռնարկղը Յայաստան ուղեւորելու անհրաժեշտ գումարներու հայթայթման համար:
- Աղօթք մեր գործակիցներուն եւ անոնց ընտանիքներու անվտանգութեան համար:

Կազմի նկարը՝ ընտրուած:

Տէրը մինչեւ այս տեղ մեզի օգնեց

«Այն ատեն Սամուէլ քար մը առաւ եւ Մասփայի ու Սենի մէջտեղ

կանգնեցուց ու անոր անունը Արենեզեր կոչեց, ըսելով.

«Տէրը մինչեւ այստեղ մեզի օգնեց»» (Ա Թագ. 7:12)

Արդեօ՞ք կրնանք քար մը վերցնել եւ նոյնը ընել: Սենք կը յիշենք Տէրոց բարութիւնը մեր նկատմամբ. շատերը մեզի հետ սկսեցին տարին, բայց այսօր այստեղ չեն, շատերը առողջ սկսեցին, բայց հիւնդութիւնով աւարտեցին, շատերը հարստութիւնով սկսեցին, բայց կորուստներով աւարտեցին:

Հաւատացեալի կեանքի իւրաքանչիւր պարագայ Աստուծոյ կողմէ քոյլատրուած է: Անցեալ տարուայ վիճակագրութիւնները ցոյց կուտան, թէ ունեցած ենք 300 բնական աղէս, հրդեհ, երաշտ, անձրեւ, երկրաշարժեր, հրաբուխներ, աւելի քան 40 միլիարդ տոլարի վնաս, 5000 զռի և իրենց տունները կորսնեցուած 22 միլիոն մարդ:

ՏԷՐԸ մինչեւ այս տեղ մեզի օգնեց

Անցեալ տարուայ մասին խորհելով կը գիտակցինք, որ շատ սխալ-ներ քոյլ տուած ենք, սակայն որպէս հաւատացեալներ մենք պէտք է միշտ եւ ամէն բաներու համար շնորհակալութիւն յայտնենք: Սենք պէտք է ամէն բանները Աստուծոյ տեսանկիւնէն նայինք եւ ինքններս մեզ հարց տանք, թէ ի՞նչ կրնանք սորվիլ այս ամէնէն: Արդեօ՞ք կը տեսնեմ Աստուծոյ ձեռքը ինձի պատահածին մէջ, արդեօ՞ք Քրիստոսի մէջ աճելու համար էր...:

Յիշէք, որ Իսրայէլը 40 տարի քալեց ցերեկը առաջնորդուելով՝ անպի սիւնով, իսկ գիշերը՝ կրակէ սիւնով, բայց բոլոր իսրայելացիները ձախողեցան իրենց ընթացքին մէջ: Յիշէք Մովսէսի խօսքերը. «Եթէ Քու ներկայութիւնդ մեզի հետ չերթայ, մեզ այս տեղէն մի՛ հաներ» (Ելգ 33:15):

Հաւատացեալները ինչպէ՞ս պէտք է դիմաւորեն նոր տարին.

1. Տէրոջը վստահելով

«Եւ հիմա՝ ահա՝ ես հոգիով կապուած՝ Երուսաղէմ կ'երթամ ես հոն

ինձի ի՞նչ պիտի պատահի՝ չեմ գիտեր» (Գործ 20:22): «Եղբայրնե՛ր, ես չեմ սեալեր թէ բռներ եմ: Բայց յիշեցնեմ թէ ետեւի եղածները մոռցած եմ ու առջեւի եղածներուն կը դիմեմ» (Փիլիպ. 3:13):

2. Ինքնարքնենութեամբ

«Փորձէ՛ զիս, ո՞վ Աստուած ու գիտցի՛ր իմ սիրտս. զիս քննէ՛ ու գիտցի՛ր իմ մտածումներս եւ նայէ՛ թէ արդեօք չար ճամբու մէ՞ջ եմ եւ զիս դէպի յախտենական ճամբան առաջնորդէ» (Սաղ. 139:23-24):

3. Մեր ճամբաները փոխելով

«Քանզի երէ ձեր ճամբաներն ու գործերը ճշմարտապէս ուղղէք եւ երէ մարդուն ու անոր ընկերին մէջտեղ իրաւունքը զգուշութեամբ գործադրէք, պանդուխտին, որբին ու որբեւարիին զրկանք չընէք ու անմեղ արիւն չքափէք եւ օտար աստուածներու ետեւէ չերքար որ ձեզի չարիքի պատճառ կ'ըլլայ, այն ատեն այստեղ՝ ձեր հայրերուն տուած երկրիս մէջ՝ պիտի բնակեցնեմ ձեզ յախտեանս յախտենից» (Երեմ. 7:5-7):

«Արդ՝ կ'աղաչեմ ձեզի, եղբայրնե՛ր, Աստուծոյ ողորմութիւնովը, որ ձեր մարմինները ընծայէք կենդանի զոհ մը՝ սուրբ, Աստուծոյ հաճելի, որ է ձեր բանաւոր պաշտօնը: Եւ մի՛ կերպարանիք այս աշխարհին կերպարանքովը, հապա ձեր մտքին նորոգութիւնովը նորոգուեցէք, որպէս զի քննէք թէ ի՞նչ է Աստուծոյ կամքը, որ բարի ու հաճելի եւ կատարեալ է» (Հոռվմ. 12:1-2):

4. Նոր որոշումներ կայացնելով

«Երբ աջ կողմը կամ ձախ կողմը խոտորելու ըլլաս, քու ականջներդ ետեւէդ խօսք մը պիտի լսեն, որ կ'ըսէ. «Ասիկա է ճամբան, ասկէ քալեցէք»» (Ես. 30:21):

«Քու խօսքդ իմ ոտքերուս ճրագ է ու իմ շափումներուս՝ լոյս» (Սաղ. 119:105):

5. Յիսուսին յուսալով

«Արդ՝ յուսոյ Աստուածը ձեզ լեցնէ կատարեալ ուրախութիւնով ու խաղաղութիւնով՝ ձեր հաւատքին համաձայն, որպէս զի ձեր յոյսը առատանայ Սուրբ Հոգիին զօրութիւնովը» (Հոռվմ. 15:13):

«Օրինեալ է Աստուած՝ մեր Տեր Յիսուս Քրիստոսին Հայրը՝ որ իր առաստ ողորմութեամբ մեզ նորէն ծնաւ կենադանի յոյսին համար՝ Յիսուս Քրիստոսին մեռելներէն յարութիւն առնելովը» (Ա Պետ. 1:3):

Հ. Գ.

Իսահակի զոհաբերութիւնը

Կարդացէ՛ք Ծննդոց 22-ը

Իսահակի զոհաբերութիւնը Աբրահամի կեանքի ամէնայայտնի պատմութիւններէն մէկն է: Այն նաեւ այն իրադարձութիւնն է, որտեղ Աբրահամի հաւատքը մեծապէս կը զօրանայ:

Պատմութիւնը կը սկսի անորոշ ժամանակի հետեւեալ արտայայտութեամբ. «Ու եղաւ որ այս բաներէն ետքը»: Մենք յստակ չենք զիտէր, թէ երբ էր, սակայն վստահ զիտենք, որ այս ամէնը եղան Իսահակի մեծնալէն ետքը, քանի որ պատմութենէն կը հասկնանք, որ ան բաւական մեծ էր կատարուածը հասկնալու համար: Աստուած Աբրահամին երեւաց՝ զինք փորձելու համար: Աստուած Աբրահամին հրամայեց իր որդի Իսահակին զոհաբերել, որպէս ողջակէզ այն լեռներէն մէկուն վրայ, որ Ինք Աբրահամին ցոյց պիտի տար:

Աստուած Իսահակին կը նկարագրէ, որպէս Աբրահամի սիրած մէկ հատիկ որդին: Ի՞նչ կը նշանակէ ասիկա: Մեծ նշանակութիւն ունի Իսահակ՝ Աբրահամի միակ սիրելի որդի ըլլալը: Մենք զիտենք, որ Աբրահամը որիշ որդիներ եւս ունէր. Խսմայէլի մասին արդեն շատ բան խօսուած է, իսկ 25-րդ գլխուն մէջ կը կարդանք Քետուրայէ ունեցած իր միւս որդիներու մասին: Այնուամենայնիւ, Իսահակը յատուկ տեղ ունէր Աբրահամի կեանքին մէջ. ան «մէկ հատիկ որդին» էր:

Ի՞նչ մտքեր անցան Աբրահամի մտքն, երբ Աստուած հրամայեց զինք իր միակ որդին զոհաբերել: Ան տարիներ սպասած էր Իսահակի լոյս աշխարհ գալուն: Աստուած իրեն ըսած էր, որ խոստումները Իսահակի միջոցով պիտի կատարուին: Բայց Իսահակը դեռ ամուսնացած չէր, զաւակներ չունէր, որոնց միջոցով խոստումները պիտի իրակա-

նանային: Եթէ Աբրահամը իր միակ որդին զոհաբերէր, ապա ի՞նչ պիտի ըլլար Աստուծոյ տուած բոլոր խոստումներու ճակատագիրը:

Այսուամենային, Աբրահամը անմիջապէս հնազանդեցաւ: Սուրբգրային հատուածին մէջ ոչ մէկ նշոյլ չկայ, որ Աբրահամը հարցաքննեց Աստուծոյ, կամ կասկածներ ունեցաւ իր ընելիքի վերաբերեալ: Պարզապէս, յաջորդ օրը, վաղ առաւօտեան Աբրահամը ելաւ ու իր իշուն համետը դրաւ, եւ իրեն հետ երկու ծառայ ու իր Իսահակ որդին առաւ, նաեւ ողջակէզի համար անիրաժեշտ իրերը՝ փայտը, դանակը, կրակը, ու ճամբայ ելաւ այն տեղը, որտեղ Աստուծ իրեն ցոյց պիտի տար:

Հետաքրքրական է, թէ Սառայի մտքով ինչեր անցան, երբ փոքր խումբը ճամբայ ելաւ: Եթէ կը հետաքրքրեն մեզ Աբրահամի մտքերը, ապա երկար փնտոելու կարիք չունինք. երրորդ օրը Աբրահամ կը խօսի իր ծառաներուն հետ: Ան տեսած էր այն վայրը, որտեղ Աստուծ կ'ուզէր որ երթար: Ան իր երկու ծառաներուն ըսաւ. «Դուք իշուն հետ հնու մնացէք, եւ ես ու տղան մինչեւ հնու երթանք, ու երկրպագութիւն ընենք, եւ նորէն ձեզի դառնանք»: Աբրահամ կասկած չունէր պատահելիքի վերաբերեալ: Իսահակի հետ միասին պիտի վերադառնային ծառաներուն քով:

Եբրայեցիներուն ուղղուած նամակի հեղինակը այսպէս կը նկարագրէ Աբրահամի վերլուծութիւնը.

«Հաւատքով Աբրահամ իր փորձուած ատենը Իսահակը պատարագ մատուցանեց. թէեւ ինք խոստում առած էր, բայց իր մէկ հատիկ որդին կը մատուցանէր, որուն համար ըսուած էր. «Իսահակով քեզի սերունդ պիտի տրուի», բանզի Աբրահամ կը մտածէր թէ Աստուծ կարող է մեռելներէն ալ Իսահակը յարուցանել, ուստի որպէս նախատիպար ընդունեցին զանիկա» (Եբր. 11:17-19):

Աբրահամն ու Իսահակը սկսեցին բարձրանալ այն վայրը, որտեղ Աստուծ ըսած էր Աբրահամին, որ երթար: Այդ ընթացքին. ինչ-որ պահին, Իսահակը հարց ուղղեց հօրը: Ան կը տեսնէր փայտն ու կրակը, բայց զոհաբերութիւն ընելու գառ չունին: Ուստի կը հարցնէ. «Ողջակէզ ըլլալու գառը ո՞ւր է»: Այս հարցը ցոյց կուտայ, որ Իսահակը ծանօթ էր զոհաբերութիւն ընելու սովորութեանը: Նախորդ յօդուած-

ներուն մէջ անդրադարձած էինք, որ Աբրահամի կեանքը կը բնորոշուիր վրանով ու զոհասեղանով: Հարցին ի պատասխան Աբրահամ կ'ուժէ, որ Աստուած իրեն ողջակեզ ըլլալու գառը պիտի ապահովէ:

Աբրահամի պատասխանը տարբեր մեկնութիւններ ունի: Սովորական մեկնությունն այն է, որ Աստուած պիտի տրամադրէ զոհաբերութեան գառը: Եւ այդպէս ալ եղաւ, Աբրահամ նայեց ու խիտ նացառներուն մէջ եղջիրներէն բռնուած խոյ մը կար: Այսպէս Աստուած Իր համար գառ ապահովեց: Բայց հատուածը կարելի է նաեւ այլ կերպ ընթերցել. Աստուած Ինքն Իրեն որպէս գառ տրամադրեց: Մենք ոչ թէ պարզապէս կը մտածենք այդ մէկ օրուայ իրադարձութեան մասին, այլ՝ առաջ նայելով կը տեսնենք այն ժամանակը, երբ Աստուած Յիսուս Քրիստոսի Անձով աշխարհ եկաւ եւ Ինքն Իրեն, որպէս Աստուծոյ Գառ տրամադրեց:

Ասոր մասին քարոզեց Յովհաննէս Սկրտիչը: Երբ տեսաւ Յիսուսին, որ իրեն կուգար, ան լսաւ. «Ահա Աստուծոյ Գառը, որ աշխարհի մեղքը կը վերցնէ»: Յովհաննէս Սկրտիչը, ինչպէս բոլոր իսրայելացիները, ծանօթ էին զոհաբերական համակարգին, մեղքերը քաւելու համար զոհեր բերելուն: Իսրայելացիի մեղքը կրնար ծածկուիլ, քանի որ անմեղ զոհը վճարեց մեղաւորի պատիժը:

Ասոր մէջ կարեւոր հոգեւոր ճշմարտութիւն մը կայ: Մեղքի վարձքը մահ է: Մեղքի պատիժը մահ է: Ես կրնամ իմ մեղքերուս համար մեռնիլ, բայց ասոր արդիւնքը յախտենական մահը կ'ըլլայ, այսինքն՝ յախտենական բաժանում Աստուծոյ ներկայութիւնէն: Բայց հնարաւոր է, որ ուրիշ մէկը վճարէ իմ պատիժս, սակայն այն պայմանով, որ անպէտը է ոչ մէկ մեղք գործած ըլլայ, որու համար քաւութեան կարիք ունենայ: Եւ ահա, թէ ինչո՞ւ Տէր Յիսուս Քրիստոսը Աստուծոյ Գառ կոչուեցաւ: Ան է Աստուծոյ Գառը, ով վերցուց աշխարհի մեղքը:

Փոխանորդական մահը ճշմարտութիւն մըն է, որը ցուցադրուեցաւ Մորիայ լեռան վրայ: Խսահակի համար փոխարինող գտնուեցաւ. իր փոխարէն խոյը զոհուեցաւ: Մենք արժանի էինք յախտենական մահուան, բայց Աստուծոյ Գառը դարձաւ մեր փոխարինողը: Մենք ազատ արձակուեցանք Տէր Յիսուս Քրիստոսի հանդէալ եղած հաւատքի միջոցով:

Երբ Աքրահամը դանակը բարձրացուց Խսահակին սպաննելու համար, Տէրոջ Հրեշտակը երկնքէն կանչեց ըսելով. «Աքրահամ, Աքրահամ»: Անուան կրկնութիւնը սովորական չէր, ինչը կը հրամիրէր հրատապ ուշադրութիւնը: Երբ Աքրահամը պատասխանեց, Հրեշտակը ըսաւ. «Հիմա զիտցայ, որ Աստուծն կը վախճանա, որովհետեւ քու մէկ հատիկ որդիդ Ինծմէ չխնայեցիր»: Աքրահամը կատարելապէս հնագանդեցաւ Տէրոջը:

Հետաքրքրական է, թէ ո՞վ էր Տէրոջ Հրեշտակը (կամ հրեշտակը): Սկիզբը գուցէ խորհինք, թէ ան հրեշտակ մըն էր, բայց յետոյ կը տեսնենք, որ Ան կը խօսի որպէս Աստուած. «... Մէկ հատիկ որդիդ Ինծմէ չխնայեցիր»: Ան այն Անձն էր, ով երեւաց Աքրահամին, երբ վերջինս օրուան տաք ատենը նստած էր իր վրանի մուտքին մօտ: Տէր Յիսուս Քրիստոսը Հին Կտակարանի ժամանակներուն մէջ յաճախ յայտնրուած է, որպէս Տէրոջ Հրեշտակը:

Ինչո՞ւ համար Աքրահամ ենթարկուեցաւ այս փորձութեանը: Աստուած զիտէր Աքրահամի հաւատքի զօրութիւնը, բայց Աքրահամը չէր զիտէր: Այսպէս ան իմացաւ իր ունեցած հաւատքի զօրութեան չափը: Եթէ Աքրահամը այս կերպով չփորձուէր, ապա մենք երբէք պիտի չզիտնայիմք անոր հաւատքի զօրութեան մասին: Մեր առջեւ ոդուած է շատ զօրաւոր հաւատքի օրինակ մը:

Աքրահամը պատրաստ էր իր որդին զոհաբերել: Ան տեղեակ չէր, որ Աստուած թոյլ պիտի շտար իրեն Խսահակին սպաննել: Շատ բաներէ անտեղեակ ըլլալով հանդերձ Աքրահամը Աստուծոյ վստահեցաւ, ով խոստացած էր Խսահակի միջոցով Իր խոստումները կատարել: Ան զիտէր, որ Աստուած ըսած էր, որ Խսահակի միջոցով իրեն սերունդ պիտի ապահովէր, եւ որպէսզի Աստուած կատարէր Իր խոստումը, ուրեմն Ան Խսահակին մեռելներէն յարութիւն առնել պիտի տար: Աստուած Աքրահամին խոստում տուած էր, եւ ան կասկած չունէր, որ Աստուած հաւատարիմ պիտի չգտնուի Իր խոստումներուն մէջ: Աքրահամի միակ գործը Աստուծոյ վստահելն ու Իրեն հնազանդելն էր:

Տոն Սթորմը

* * *

«Այն մարդը դուն ես»

(Բ Թագ. 12:7)

Ստոր էին այն քառերը որոնք ելան Նարան մարգարէին բերնէն արթնցնելու համար Դաւիթը իր սոսկալի մեղքին վրայ: Սատանային մեծ գործն է քնացնել մեղատրները ու աշխատիլ որ մոռնան անոնք այն չար եւ զգուելի մեղքերը որ գործած են իրենց Արարշին եւ Աստուծոյն դէմ:

Երբոր Հուայթֆիլտ Աստուծոյ նուիրեալ եւ եռանդուն ծառան կը քարոզէր Բլիմառութի մէջ 1743 թ.-ին, շատեր կը հալածէին ու կ'ուզէին սպաննել զայն: Երբոր կը քարոզէր ան օր մը, Թէնըր անունով նաւահիսան նը, հեռուէն կը լսէր անոր ձայնը: Ասիկա իր ընկերներէն 5-6 հատը հետո առնելով ուզեց երթալ ու վոնտել քարոզիչը այն տեղէն ուր կեցած էր: Ասոր համար իրենց գրպանները քարերով լեցուցին: Սակայն երբոր մօտեցաւ ու տեսաւ թէ ինչպէս թախանձանօք կ'աղաչէր Հուայթֆիլտ մեղատրներուն որ Քրիստոսի զան, հիացմամբ լեցուեցաւ եւ իր որոշումը չկրցաւ գործադրել: Անիկա իր տունը գնաց խորապէս ազդուած ըլլալով: Հետեւեալ իրիկուն նորէն եկաւ քարոզաժողովին: Հուայթֆիլտ կը խօսէր Փրկիչը խաչողներուն մեղքին վրայով: Անոնց մեղքին վրայ երկար խօսել յետոյ, ուշի ուշով նայեցաւ Թէնըրի վրայ ու մեծ յուզումով կանչեց. «Այն մարդը դուն ես»: Այս քառերը ուժեղ ազդեցին Թէնըրին: Ան զգաց իր մեղքերուն սոսկալի մեծութիւնը, եւ իր սրտին ցաւով կանչեց. «Աստուած, ողորմէ ինձի մեղատրիս»:

Յետոյ քարոզիչը սկսաւ հոչակել Յիսուսի ձրի եւ առատ շնորհը որ Ինքը հրամայեց քարոզել ճիշդ անոնց որոնք սպաննեցին Զինքը: Այս լսելով, Թէնըր քաջալերուեցաւ եւ Քրիստոսի յանձնուեցաւ: Այո, ան տեսաւ որ մեղատրներու չարագոյնին համար իսկ Աստուծոյ շնորհը շատ առատ է:

Սիրելի ընթերցող, արդեօք Աստուծոյ Խօսքին մէջ կարդացե՞՞ր ես անոնց վրայով որոնք Աստուծոյ թշնամի են (Յակ. 4:4), որոնք միայն մարմինին համար կը սերմանեն (Գաղ. 6:8), զԱստուած չեն ճանչնար,

ու մեր Տեր Յիսուս Քրիստոսի Աւետարանին շեն հնազանդիր (Բ Թես. 1:8), որոնց վերջը կորուստ է (Փիլիպ. 1:8), որոնք պիտի պատժուին յափառենական սատակումով Տերոջը երեսէն, ու Անոր օօրութեանը փառքէն (Բ Թես. 1:9), որոնց բաժինը պիտի ըլլայ կրակով ու ծծումբով վառած լիճին մէջ (Յայտ. 21:8): Երբոր կը կարդաս եւ կամ կը լսես այս բաները, կը մտարերե՞ս, որ «Այն մարդը դուն ես»:

Տես եւ խորհե՛ ո՞ւր ես: Նայէ՛, որո՞ւն դէմ մեղանչած ես եւ տակալին կը մեղանչես: Ան որ երկինքի մէջ եւ երկրի վրայ բոլոր իշխանութիւնը ունի, որ ամէն բան կը տեսնէ, զիտէ եւ ամէն տեղ ներկայ է, որ կարողութիւն ունի քեզ յափառենական կրակը նետելու, որուն առջեւ անպատճառ պիտի երենաս: Ո՞հ, դուն Անոր դէմ է որ կը մեղանչես, մեղաւոր, այս խորհա՞ծ ես եւ զիտե՞ս»:

Սակայն յիշէ՛, որ Տերը տակալին կը սիրէ քեզ անպատճեկի սիրով մը եւ դրկած է Իր սիրելի Որդին որպեսզի քեզ, կորսուածդ փնտու ու փրկէ (Ղուկ. 19:10): Անիկա պատրաստ է ներելու: «Ամէն մեղը ու հայ-հոյութիւն պիտի ներուի մարդոց» (Մատթ. 12:31): Իր շնորհաց գերազանցութիւնը ցուցնելու համար կը խոնարիի ամենէն վար եւ կը փրկէ ամենէն պիղծ, քշուառ, յուսահատ եւ ողորմեկի մեղաւորները, առանց նկատելու անոնց մեղերուն բազմութիւնը, ծանրութիւնը եւ չարութիւնը: Շատեր, այն, շատեր կուգան Արեւելքէն, Արեւմուտքէն, Հիւսիսէն եւ Հարաւէն Գառնուկին երկնային երգը երգելու, որոնք Աստուծոյ ձրի շնորհքովը արդարացած են եւ իրենց հանդերձները լուալով ձիւնէ աւելի ճերմակ ըրած են: Անոնց ատենօր սատանայի ծառայութեան տակ սեւցած, կուրացած եւ գարշելի էին, հիմա կուգան տորբերուն հետ ժառանգակից ըլլալու եւ արեւու պէս փայլելու (Մատթ. 13:43):

Ով քնացող, քշուառ մեղաւոր որ կորստեան եզերքին վրայ կը թափառիս, ճիշդ հիմա Յիսուսին կանչ:

Քաղուած՝ «Ընտիր ժողովածու հոգեւոր
պատմութիւններուն» գիրքէն



Ոսկէ կանոն

Մատք. 7:7-ի մէջ Տէր Յիսուսը կ'ամփոփէ Լեռան քարոզը: Ան Իր քարոզը սկսաւ, երբ հաւաքուած ամրոխին սորվեցնելու համար լեռը բարձրացաւ (Մատք. 5:1-2): Իր քարոզին մէջ ընդգծեց այն չափանիշները, որոնցով Իր հետեւորդները պէտք է ապրին՝ սկսելով Երանելիներէն (Մատք. 5:3-12) մինչեւ սպաննութիւն, շնուրիւն, ամուսնալուծութիւն, վրէժխնդրութիւն չընելը, նաև անդրադարձաւ թշնամիներու, երկնաւոր գանձեր դիզելու եւ այնուհետեւ մարդկանց անարդարցիօրէն շդատելու նիւթերուն (Մատք. 7:1-6): Այս չափանիշներուն համաձայն ապրիլը ոչ միայն դժուար, այլև անհնար է՝ եթէ Աստուած չօգնէ մեզի: Տէրը գիտէ, որ մենք մեր ուժերով չենք կրնար այդպիսի կեանք մը ապրիլ:

Այդ պատճառով Յիսուսը նաև սորվեցուց մեզի օգնութիւն խնդրել Հօրմէն: Եթէ ես եւ դուք խնդրենք, վիստուենք ու դուռը զարնենք, ապս Աստուած խոստացած է օգնել եւ մեզ այդ չափանիշին համապատասխան ապրելու կարողութիւն, ուժ եւ կամք տալ (Մատք. 7:8): Մարդիկ յաճախ սխալ կը մեկնարանեն սուրբգրային այս հատուածը: Այստեղ Յիսուսը մեզ չի սորվեցնէր, թէ Աստուծմէ ինչ որ խնդրենք Ան պիտի տայ մեզի: Աստուած կաղանդ պապա չէ, որուն նամակ կրնանք գրել ու ակնկալել, որ Ան կուտայ այն ինչ խնդրեցինք Իրմէ (մեքենայ, տուն, ամուսին, աշխատանք եւ այլն): Այս հատուածը յատուկ կերպով կը սորվեցնէ մեզ հոգեւոր բաներու համար աղօթելը, մասնաւորապէ՛ Աստուծոյ չափանիշներուն համապատասխան քրիստոնէական կեանք ապրելու կարողութիւնը (տե՛ս նաև Ղուկ. 11:13-ը): Եւ Սուրբ Հոգին կ'օգնէ, կ'առաջնորդէ, կը սորվեցնէ ու կը յիշեցնէ մեզ Տէր Յիսուսի Լեռան քարոզի մէջ սորվեցուցածները, որպէսզի կարողանանք Աստուծոյ չափանիշներուն համաձայն կեանք մը ապրիլ:

Այնուամենայնիւ, մեր խնդրածը ստանալու համար կան որոշ պայմաններ: Առաջին՝ այս հոգեւոր օրինութիւնները ստանալու համար, այսինքն՝ Աստուծոյ չափանիշին համապատասխան կեանք ապրելու կարողութիւնը ունենալու համար, նախ անձը պէտք է Աստուծոյ հետ յարաբերութիւն ունենայ (Հայր եւ որդի փոխյարաբերութիւն, Մատք.

7:11): Միայն Քրիստոսին, որպէս Փրկիչ ընդունելու շնորհի անձը Աստուծոյ հետ յարաբերութիւն կրնայ ունենալ ու զիմք իր Երկնաւոր Հայրը կոչել (Յովի. 1:12): Ստանալու համար անձը նախ պէտք է խնդրէ, սակայն միայն զաւակը կրնայ խնդրել իր Երկնաւոր Հօրմէն:

Հոգեւոր օրհնութիւններ ստանալու յաջորդ պայմանը՝ խնդրելն է, որը այս հատուածի զիմսաւոր միտքն է: Ասոր համար Յիսուսը Երկրային հայրերու օրինակը տուաւ, հայրեր, որոնք կը կատարեն իրենց զաւակներուն խնդրանքները: Նմանապէս, մեզ պատուիրուած է՝ աղօքքով մեր Երկնաւոր Հօրմէն հոգեւոր օրհնութիւններ խնդրել: Իրականութեան մէջ, ամէնակարեւոր բաները, որոնք մեր Երկնաւոր Հօրմէն կը խնդրենք՝ հոգեւոր բաներն են: Ասիկա է պատճառը, թէ ինչու Յիսուս ըսաւ. «Բայց առաջ խնդրեցէք Աստուծոյ բազաւորութիւնը» (Մատթ. 6:33): Առաքեալները նոյնապէս ասիկա սորվեցուին. Հակ. 1:5-ը՝ հոգեւոր իմաստութիւն խնդրել, Եփես. 1:16-19-ը՝ հոգեւոր խորաքափանցութիւն եւ սրտի աշքերու լուսաւորութիւն, Կող. 1:9-10-ը՝ Աստուծոյ գիտութեամբ լեցուիլ, Հոռվմ. 10:1՝ մարդկանց փրկութիւնը, Ա Տիմ. 2:1-2՝ իշխանաւորներու համար, Եփես. 6:19-ը՝ համարձակ քարոզելու կարողութիւն, եւ այլն...

Հոգեւոր օրհնութիւններ ստանալու երրորդ պայմանը՝ փնտռելն է: Միայն աղօքքը կամ միայն խնդրելը բաւարար չեն: Մենք պէտք է խնդրենք, այսինքն՝ աղօթենք, բայց պէտք է նաև փնտռենք: Մենք պէտք է փնտռենք Իր կամքը, իրահանգները, պատուիրանները, գիտութիւնը, որը կարող ենք ստանալ միայն Աստուծոյ Խօսքէն (Ք Պետ. 3:18, Հոռվմ. 15:4, Բ Տիմ. 3:16): Մենք հոգեւոր օրհնութիւններ չենք ստանար, եթէ Աստուածաշունչ չենք կարդար:

Աստուծմէ հոգեւոր օրհնութիւններ ստանալու վերջին պայմանը՝ դուռը զարնելն է: Մենք պէտք է խնդրենք (աղօթենք), փնտռենք (Աստուածաշունչը սերտենք), բայց նաև պէտք է դուռը զարնենք: Դուռը զարնելը կը խորհրդանշէ հոգեւոր օրհնութիւններ ստանալու մեր փափաքի անկեղծութիւնն ու լրջութիւնը: Դուռը զարնելը կը մատնանշէ մեր վճռականութիւնը, հետեւղականութիւնը եւ առանց դադարի՝ Հօրմէն հոգեւոր օրհնութիւններ ստանալու մեր խնդրանքի մէջ յարատենելը: Ասիկա ցոյց կուտայ, որ Աստուած մեր կեանքին մէջ առաջին տեղը կը գրաւէ, եւ որ ամէն բանէ առաւել հոգեւոր օրհնութիւններ կը

փափաքինք (Ղուկ. 11:5-13): Եթք այս պայմանները կը բաւարարուին, մեր Երկնատր Հայրը կուտայ մեզ այն, ինչի կարիքը ունինք (Մատթ. 7:11):

Այնուհետեւ Յիսուսը Լեռան քարոզը (Մատթ. 5-7 գլուխները) եւ հոգեւոր օրինութիւններ ստանալու համար խնդրելու, փնտռելու եւ դուռը զարնելու պատուերը կ'ամփոփէ մեկ համարի մէջ՝ Մատթ. 7:12-ը: Այլ խօսքով՝ Յիսուսը կ'ըսէ մեզ. «Եթէ կ'ուզէք Աստուծոյ չափանիշներուն համաձայն ապրիլ եւ իրմէ օգնութիւն կը խնդրեք, ապա պիտի կարողանաք այս համարի խօսքերուն համաձայն ապրիլ, այսինքն՝ ուրիշներու հետ վարուիլ այնպէս ինչպէս կ'ուզէք, որ ձեզի հետ վարուին»:

Նման ուսմունքի կարող ենք հանդիպիլ նաեւ այլ մշակոյքներու եւ կրօններու մէջ, ինչպիսիք են՝ Հրեականութիւնը, Հիմտուիզմը եւ Պուտայականութիւնը: Տարբերութիւնն այն է, որ այդ մշակոյքներուն մէջ այս գաղափարախօսութիւնը բացասական իմաստով ներկայացնուած է. «Այն, ինչ չէր ուզէք, որ մարդիկ լինեն ձեզի, դուք նոյնապէս իրենց մի՛ ըրէք», կամ «Այն, ինչ կ'ատէք, ուրիշներուն մի՛ ըրէք»: Քանի որ չենք ուզէք, որ մարդիկ մեզի չարիք հասցնեն կամ ատեն ու վնասեն մեզ. ապա մենք նոյնապէս պէտք չէ իրենց այդպէս ընենք: Այսինքն՝ քանի դեռ մարդը ակտիվորէն ուրիշներուն վնաս չի հասցնէր, կամ անոնց չարիք չի ցանկանար, կամ անոնց պատահած չարիքի վրայ չ'ուրախանար, ուրեմն անձը մաքոր է օրէնքի առջեւ:

Այնուամենայնիւ, Տեր Յիսուսի սորվեցուցածը շատ տարբեր է: Բաւարար չէ ուրիշներուն չվնասելը, չարիք չցանկանալը կամ նոյնիսկ անոնց պատահած չարիքի վրայ չ'ուրախանալը: Բաւարար չէ ինչ-որ մէկուն անարդարացիօրէն չդատապարտելը: Յիսուսի սորվեցուցածը շատ տարբեր էր անոնց սորվածներէն. «Լսեր էք, որ ըսուեցաւ առաջիններուն... Բայց ես ձեզի կ'ըսեմ....»: Յիսուսը մեզի չսորվեցուց մեր ձեռքերը ծալլել ու ըսել. «Ես աստուածավախ եմ, ոչ ոքի չեմ վնասած, ոչ ոքի չարիք չեմ փափաքած կամ նոյնիսկ որևէ մէկուն պատահած չարիքի համար չեմ ուրախացած»: Յիսուսը կ'ըսէ մեզի. «Եթէ ակտիվորէն բարիք չէք ընէր, ապա խախտած կ'ըլլաք Աստուծոյ պատուիրանը» (Մատթ. 7:12):

Բաւարար չէ հեռուէն հետեւիլ, թէ ինչպէս աշխարհը կը քանդուի,

չնայած մենք չենք ատոր պատճառը, բայց եթէ ակտիվօրէն չենք շարժուիր ինչ-որ կարիք մը լրացնելու, խնդիր մը լուծելու, կեամբը բարելաւելու, աշխարհը՝ ապրելու համար աւելի լաւ վայր մը դարձնելու, եղրօր կամ քրոջ մը օգնութեան ձեռք մեկնելու, ճիշտը ընելու, Տերոջը ծառայելու... որեմն մենք բասիվ ենք: Ծշմարիտ սերը բասիվ չէ, այլ՝ չափազանց ակտիվ: Եթր անձը Ծշմարտապէս կը սիրէ, ան իր շրջապատի օգուտի համար ինչ-որ բան կը նախաձեռնէ: Յիսուսը չըսաւ ոչ որի չվնասենք, այլ՝ բարիք ընենք:

Կարեւոր է նաև նկատել, որ եթէ մեր սերը ծշմարիտ է, ապա մենք բարիք կ'ընենք անկախ ուրիշները այդպէս կ'ընեն, թէ ոչ: Մենք պէտք է բարիք գործենք, ոչ թէ քանի որ այլ մարդիկ բարիք կ'ընեն: Բարիք գործելը կախուած չէ ուրիշներու արարքներէն այլ իմ ցանկութիւնէն, թէ ինչպէս կ'ուզեն, որ մարդիկ ինձի հետ վարուին, եւ նոյնիսկ՝ եթէ այդպէս չեն վարուիր: Աստուած կատարեալ օրինակ քողեց: Ան Իր Որդին չուղարկեց, քանի որ մարդիկ բարի էին եւ իրեն բարիք ըրին: Ան Իր Որդին տուաւ, եթր մարդը Աստուծոյ փոխադարձ տալիք ոչինչ ուներ: Ծշմարիտ քրիստոնեան պէտք է այս չափանիշին համաձայն ապրի, Ուսկէ կանոնը: Արդեօ՞ք ակտիվ ենք: Աղրեօ՞ք բարիք ընելու նախաձեռնող ենք: Բաւարար չէ չարիք ըլսելը: Եթէ ակտիվօրէն բարիք չենք ըներ, որեմն Ուսկէ կանոնը խախտած կ'ըլլանք եւ այդպիսվ անհնազանդ կ'ըլլանք Աստուծոյ պատուիրանին:

Ռաֆֆի Չափարեան

Յիսուսը կը բժշկէ հիւանդներուն

Եթր Տէր Յիսուսը կը ճամբորդէր քաղաք քաղաք և զիւղէ զիւղ Ան յաճախ կը բժշկէր հիւանդներուն: Այս հրաշքներու լուրը շուտով կը տարածուէր ամէն կողմ: Ուստի, մարդիկ Իր քով կը բերէին անդամալոյներուն, կոյրերուն, խուլերուն եւ շատ ուրիշ հիւանդներուն, եւ Յիսուսը բոլորին կը բժշկէր:

Արեւմտեան հասարակութեան մէջ բժիշկին այցելելն ու դեղատուն ստանալը սովորական երեւոյթ է, սակայն աղքատ երկրներուն մէջ

սարսափելի է տեսնել, թէ կարիքաւորներն ու գիւղացիները ինչպէս կ'արձագանքեն հիւանդութեանը:

Ամէն օր մեր գործակիցները կ'այցելեն մեր շատ աղքատ ընտանիքներուն՝ Քրիստոսով անոնց քաջալերելու համար: Անոնց ֆինանսական աջակցութիւն կամ սնունդի տոպլակներ կը տրամադրեն, եւ հոգ կը տանին, որ երեխաները ապահով ու առողջ են եւ ընտանիքը համերաշխութեան մէջ է:

Անգամ մը, երբ այցելեցին այդպիսի ընտանիք մը, նկատեցին, որ նորածինը հիւանդ էր՝ անկողնին մէջ պառկած: Մօրը կը հարցնեն, թէ որքա՞ն ժամանակ է ան հիւանդ է, ան ալ կը պատասխանէ ըսելով թէ՝ մօտ մէկ շաբար:

Մեր աշխատակիցը անմիջապէս մեքենայով կը տեղափոխէ զանոնք քժշկին մօտ, որը գիւղէն բաւականին հեռաւորութեան վրայ կը գտնուէր: Բժիշկը զայրացաւ մօր անտարբերութեան վրայ, քանի որ մանուկը մէկ շաբար էր այդ վիճակի մէջ, եւ երէ օր մը եւս ուշացնէին, ապա ան մահացած պիտի ըլլար:

Հարցեր կուգան մտքիս մէջ. արդեօ՞ք ան անհոգ մայր մըն էր, արդեօ՞ք չէր սիրեր իր զաւակին, արդեօ՞ք կանխամտածուած քայլ մըն էր ասիկա, որ մանուկը մահանար:

Հայաստանի խոլ ու հեռաւոր գիւղերուն մէջ կը հանդիպի ծայրաստիճան աղքատութեան. մարդիկ գումար չունին, սնունդ չունին, որոշ մայրեր հոգեկան խանգարում ունին նման պայմաններու պատճառով, քժշկին այցելելը բանկ հաճոյը է, դեղերը գումար արժեն, երթեւեկելու հնարաւորութիւն չկայ, իսկ չորս զաւակներ մեծցնող միայնակ երիտասարդ մայրը բժիշկ չի ճանչնար, որ իր զաւակին հոն տանէր:

Ամէն օր բազմաթիւ հեռախօսագանգեր կը ստանանք քժշկի անհապաղ այցի, դեղորայքի, երթեւեկելու, արեան կամ այլ անալիզներու ծախսերու համար: Կամ շարունակական դեղորայքներ կամ հետազոտութիւններ, որոնք անհրաժեշտ են, եւ կը դժուարանանք անոնց խնդրանքը մերժելու մէջ, օրինակ՝ արեան բարձր ճնշումը, մաղձանարապը (բոլեստրոլ) կամ շաքարախտը:

Կրեթելը վաթսունն անց է, շաքարախտով կը տառապի: Բժիշկները անդամահատել եին ոտքի երկու մատները: Արիւնահոսութիւնը կրկին գլուխ բարձրացուցած էր եւ չէր դադարիր. վերջը շատ մեծ էր ու յստակ էր, որ Վտանգ կար եւ անհրաժեշտ էր մասնագետի միջամտութիւնը: Բժիշկը խորհուրդ տուաւ օգտագործել սահմանուած դեղորայքը եւ ամենօրեայ ներարկումները: Եթէ այս բոլոր անմիջապես չըներ, ապա հնարաւոր էր, որ ստիպուած ըլլային ոտքը անդամահատել:

Մենք շնորհակալ ենք ձեր աջակցութեան եւ աղօթքներուն համար. արդեն երեք ամիս անցած է ու իր վերջը գրեթէ ապաքինուած է: Պետք է տեսնեք անոր դեմքին ժախտը, եւ թէ ինչպէս փառք կուտայ Տերոզը ու շնորհակալութիւն կը յայտնէ բոլոր անոնց, որոնք նիւթապես օգնեցին իրեն:

Ձեր օգնութեամբ ACM-ը նուիրուած է՝ կարիքաւորներուն ու աղքատներուն աջակցութիւն ցուցաբերելու մէջ: Եթէ կը փափաքիք մասնակցիլ այս ծառայութեանը, ապա կրնաք մեզ հետ կապ հաստատել ու ձեր նուիրատուութիւնը ուղարկել նշելով՝ «բժշկական կարիքներու համար» տողը, եւ թող Աստուած օրինէ Ձեզ բոլորին:

